



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

III. Deum vnum numero esse, ex Scripturis et Patribus demonstratur.

[urn:nbn:de:hbz:466:1-53845](https://nbn-resolving.de/urn/resolver.pl?urn=urn:nbn:de:hbz:466:1-53845)

CAP V T III.

*Deum unum numero esse ex Scripturis &
Patribus demonstratur.*

VANTVM ad TERTIVM, probanda est vnitas numerica Dei contra Peratas, Philoponum, Iochimum, & huius temporis Tritheitas.

Probatur PRIMO Scripturis, in lege Deuter. 4. Dominus, inquit Moles, ipse est Deus, & non est aliis prater unum. Et paulo post: Scito ergo hodie, & cogitato in corde tuo, quod Dominus est Deus sursum, & in terra deorsum, & non sit aliis. Cap. 6. Audi Israël. Dominus Deus noster, Dominus unus est. Et cap. 32. Videte quod ego sum solus, & non est aliis prater me. Nec possunt haec referri ad vnitatem specificam: nam qui loquitur in Scripturis non est Deus vniuersalis, neque ipsa species Dei, sed est Deus quidam singularis, ut patet, cum sola singularia sint in re, & loquantur, atque agant. At singularis Deus falsò dicit se esse unum & solum Deum, & prater se non esse alium, si inueniuntur alia individua eiusdem speciei. Nec enim verè dicere potuisset Adam, postquam filios generat; Ego sum solus homo, prater me nullus est homo, &c.

Idem probatur ex libris historialibus. 1. Reg. 2. Non est sanctus hic est Dominus, neque enim est aliis extra te. 3. Reg. 8. Deus Israël, non est similis tui Deus in celo de super neque in terra deorsum. At quare Deus Israël non habet similem, si sunt duæ aliae individuae naturæ sub eadem specie? IDEM probatur ex Psalmis. Psal. 17. Quis Deus prater Dominum, aut quis Deus prater Deum nostrum? Psal. 82. Tu solus altissimus in omni terra. Psal. 85. Tu es Deus solus. IDEM ex Prophetis. Isa. 43. Ante me non est formatus Deus, & post me non erit. Ego sum, ego sum Dominus, & absq[ue] me non est Deus. Et cap. 45. Ego Dominus & non est amplius, extrame non est Deus. Et infra: Nunquid non ego Dominus, & non est ultra Deus absq[ue] me. Deus iustus & saluans non est prater me. Similia passim docent omnes Prophetæ. IDEM ex sapientialibus. Sap. 12. Non enim est aliis Deus, quam tu. Eccles. 1. Unus est alius. IDEM patet ex Euangeliō. Matt. 4. Dominum Deum

unum adorabis, & illi soli seruies. Marc. 12. Vnus est Deus, & non est alius prater eum. Ioan. 17. Ut cognoscant te solum unum Deum. Est enim sensus; Tu habes Deitatem, quæ sola est vera Deitas: non ergo inuenitur alia Deitas. DE NIQU ex Apost. i. Cor. 8. Scimus quod nullus est Deus, nisi unus. Item ibidem: Nobis unus est Deus. Gal. 3. Mediator unus unus est, Deus autem unus est. Ephes. 4. Unus Deus & Pater omnium. 1. Tim. 2. Unus Deus, unus & Mediator Dei & hominum. 1. Tim. 6. Qui solus potens Rex Regum, & Dominus dominantium.

Porrò ex his omnibus & singulis locis aperte colligimus numero esse verum Deum, non unum specie, ex similibus loquutionibus potest intelligi. Non enim de uno aliquo homine, rectè diceremus, iste est solus homo; aut, iste solus est verus homo; aut, prater istum nullus est homo; aut, iste est homo, & nemo aliis. Cuius rei non potest redi alia causa, nisi quia natura humana non est in uno solùm individuo, sed in multis. Rectissimè autem de Sole, cui una tantum natura individua est, dicimus, iste solus est verus Sol, unus est in mundo Sol, prater eum non est alius Sol, &c.

Vnde C. L. S. 1. 1. 1. 1. 1.
SECUNDО probatur ex patribus. Ac primùm omnes Patres passim dicunt, esse unum Deum, ut IUSTINVS libro de recta fide, AVGVSTINVS lib. I. contra Maximinum, & alijs. Et de hoc non est dubium; sed quia possent respondere, Patres dum dicunt, unum esse Deum, loqui de unitate specifica, non numerica; propterea multis modis ex doctrina Patrum demonstrabimus, unum numero esse Deum.

PRIMO, si multa essent individua diuina, ut illi volunt, possent quidem illa dici unus Deus, id est, una species diuina, sicut Porphyrius dicit cap. 2. plures homines sunt unus homo, id est, una species humana, at non posset tamen negari, quin etiam rectè dicerentur plures Dei, sicut rectè dicimus, Adam, Abel, & Cain sunt tres homines; At Patres periculum negant, tres personas esse tres Deos, unum igitur numero Deum esse volunt. Quod negant, patet ex ATHANASIO in Symbolo: Deus Pater, Deus Filius, Deus Spiritus sanctus; & tamen non tres Dei, sed unus est Deus. CYRILVS lib. 9. in Ioannem cap. 30. Eadem, inquit, substantia Deitatis est, quare non tres, sed unum Deum pradicamus. BASILVS scripsit

scripsit orationem in eos, qui calumniantur nos, quod tres Deos dicamus. NISSENVS librum scripsit ad Ablabium, non oportere dicere tres Deos. AVGUSTINVS lib. 2. contra Maximinum, cap. 1. Tene, inquit, cum Catholica fide, Patrem quidem non esse, qui Filius est; & Filium non esse, qui Pater est. At Deum esse Patrem, & Deum esse Filium: Veruntamen ambos simul, non duos Deos esse, sed unum. Et ibidem dicit, Arianos non ausus esse dicere duos Deos, licet hoc sentirent: Sed, inquit, duos Deos à nobis colit, quamvis non negaueris, tamen non es ausus confiteri. Sensisti enim, duos Deos esse colendos, Christianas aures ferre non posse, &c. At cur non possunt id ferre Christianæ aures, si verè sunt duo Dij numero? AMBROSIUS lib. 1. de fide, cap. 2. Deus in Deo est, sed non duo Dij. Et ibidem saepius repetit, idem omnino esse Patris & Filij Diuinitatem. & addit, naturam ipsam clamare unum esse Deum, sicut unus est mundus. Similia in omnibus Patribus inuenientur.

SECUNDO, Patres negant, numerum inueniri in Diuinitate, & solùm in proprietatibus personalibus eum admittunt: At certè non posse diuinitatem numerari falsum esset, si Diuinitas non esset una numero. NAZIANZ. orat. 3. de Theologia: Tria hac, inquit, unum, si Diuinitatem spectes; & unum tria, si proprietatum rationem habeas. FVLGENTIVS de fide ad Petrum, cap. 1. Trinitas, inquit, ad personas referatur, Unitas ad naturam. certè Trinitas ista numericæ est, non specifica, etiam secundum aduersarios, ergo opponitur Unitati numericæ. ATHANASIUS in Symbolo: Fides autem Catholica hac est, ut Unitatem in Trinitate, & Trinitatem in Unitate veneremur: & statim explicat, Trinitatem esse personarum, Unitatem diuinitatis. BASILIVS epist. 141. ad Cæsariorum, dicit, ab essentia Dei omnem numerum reiiciendum. Vbi tamen nota, quod cum dicit, Deum non esse unum numero, vult dicere, Deum non esse compositum, ita ut contineat in se numerum verum ex multis unitatibus constantem. NISSENVS in lib. de Trinit. ad Eustachium: In multitudinem, inquit, extendere numerum Deitatum, eorum duntaxat est, qui laborant errore multitudinis Deorum. AMBROSIUS lib. 1. de fide, cap. 2. Unitas potestatis excludit numeri quantitatem, quia unus numerus non est. HORMISTA in epi-

stola

Stola ad Iustinum, cap. 2. Et si, inquit, admittit numerum relationis personarum, unitas tamen non admittit essentia separationem. Concilium TOLETANVM XI. cap. I. In relationibus personarum numerus cernitur, in diuinitatis vero substantia, quid enumeratum sit non comprehenditur. ANASTASIVI Antiochenus lib. I. de rebus dogmatibus. Trinitatem, inquit, dicimus non essentiarum, sed personarum. Unum enim Deum glorificamus, non numero personarum, sed natura quod enim est Deus, hoc prorsus unum numero est. Et iofic Itaq; sancta Trinitas essentia quidem unus Deus est, numerus autem Trinitas. Vide libros huius auctoris in Bibliotheca canonorum Patrum, Tom. 8.

TERTIO, Patres saepe vocant Deum singularem, a naturam eius individuam. IUSTINVS in lib. de Monar. Dei, probaturus unum esse Deum: Ex Poëtis gentilium, inquit, ac primus AESCHYLVS de Deo singulari vocem protulit. Et ex proposito titulo libri de Monar. Dei, satis ostendit Iustinus, unum Deum singularem agnoscere. Monarchia enim non potest dici regimen multorum eiusdem speciei, sed unius singularitatem. Item ATHENAGORAS in apol. pro Christ. Sed cum ratio, inquit, et professio nostra Deum singularem, et unus celebreret, et c. NAZIANZ. orat. ad Euagr. de diuin. Individua, inquit, summi numinis natura est. AVGUST. lib. I. contra MAXIMI. circa medium: Pater, Filius, et Spiritus sanctus unus sunt propter individuam eandemque naturam. AMBROS. lib. I. de fide, cap. 2. Cum igitur, inquit, pluit Dominus a Domino, unitatem diuinitatis agnoscet; operationis enim unus non facit pluralem diuinitatem.

QUARTO, Patres non semel negant, Deum esse unum specie. CYRILLVS lib. II. in Ioan. cap. 20. in fine, postquam dixerat, Apostolos inter se consubstantiales esse, et similes Patrem & filium inter se, addit: Licet consubstantialitas non aequalis ratione de nobis, ac de Patre et de Filio dicatur. At de nobis vera & propriè specificè dicitur consubstantialitas, igitur de diuinis personis non specificè, sed numericè dicitur. AVGUST. lib. 7. Trinitat. cap. ultimo, querit; An essentia diuina sit genus, an species, et utrumque negat. idque propter duas rationes. Primo, quia tametsi genus, ut animal, dividatur in species, hominem, equum, leonem: & species, ut homo,

homo, diuidatur in indiuidua, Abraham, Isaac, Jacob, & ceteros homines singulares: tamen vnum animal & vnum homo singularia sunt, nec possunt diuidi in inferiora; at essentia Dei dicitur vna essentia, & Deus dicitur vnum Deus: igitur Deus in plura indiuidua non dividitur. Secundò, quia tres homines plus valent, quam duo, & duo quam vnum; at non plus sunt in Deo tres personæ, quam duæ, vel vna; non igitur tres personæ sunt tres Dij eiusdem speciei.

Quinto, Patres dicunt esse mysterium ineffabile, quomodo tres personæ sint vnum Deus. at si essent vnum Deus specie, nullum esset mysterium. NAZIANZ. in orat. ad Euagrium, conatur ostendere multis similitudinibus, quomodo vna & simplex natura Dei sit communis tribus. At nulla quæstio esset, si natura diuina esset vna specie. Idem oratione in Heronem, seu Maximum, secundum alios: Nunc vero, inquit, satis babe docere Trinitatem in Vnitate, & Vnitatem in Trinitate, cuius & diuisio & coniunctio planè admirabilis sit. AVGVSTINVS lib. I. in Maximum, ante medium: Ipsa, inquit, Trinitatis ineffabilis & excelsa consueta vnum Deum ostendit vnum Dominum. Idem lib. 7. Trinit. c. vlt. postquam diu disputauit, quomodo tres personæ sint vna essentia, & removit omnes similitudines, concludit: Si intellectu capere non potest, fide teneatur.

SEXTO, Patres, ut BASILIVS oratione contra Sabellium & Arium. NAZIANZ. orat. de natali Domini. AMBROSIUS lib. I. de fide, cap. 1. & 2. dicunt, Sabellium ad Iudeos, Arium ad Paganos pertinere: Ecclesiam verò medium viam tenere, quæ nimis nec vnam personam credit cum Iudeis, nec plures naturas cum Gentilibus. At Ecclesia non verè medium tenebit, si naturam diuinam multiplicet; sic enim nihil commune habebit cum Iudeis, & planè conueniet cum Gentilibus, quorum plerique Deos eiusdem speciei colebant, ut Iouem, Martem, Mercurium, &c. ADDE, quod Patres docent, Gentiles etsi vulgo plures Deos colerent, tamen vnum Deum naturaliter cognoscere potuisse, sicut re ipsa Philosophi vnum Deum cognoverunt, & ea ex parte quasi naturaliter Christiani fuerunt, at si Patres de uno Deo, non numero, sed specie loquerentur, nihil dicerent, nam vulgus Deos ecclestes non solum eiusdem speciei, sed etiam consanguineos

neos

44. Cap. III. De Christo. Lib. I.

neos faciebat. Vnde est illud Virgilij tam crebro repetitum,
& ex Homero desumptum; *Diuum Pater atque hominum
Rex.*

Patet hoc in primis ex testimonii plurimis & clarissimi
veterum Poëtarum, ex quibus IUSTINVS librū de Monar-
chia Dei composuit; & in apologia ad Antonium dicit, So-
cratem & Platonem fuisse in hac patte Christianos. ATHENI-
AGORAS idem ostendit, adducens etiam testimoniam mol-
ta veterum Ethnicorum in apologia pro Christianis. IZ-
NAEVS lib. 2. cap. 5. dicit, ab omnibus posse naturaliter co-
gnoscivnum esse Deum. TERTULL. in apologet. cap. 17. dicit,
etiam cultores idolorum, cùm in angustiis sunt, attollerent
culos ad cœlum, & obliros Deorum, vnum Deum naturaliter
inuocare. Id ipsum docet Cyprianus Tract. 4. de vanitate
idolorum. ARNOBIVS lib. 2. contra Gentes: Da, inquit, Geran
iudicium, & hac omnia circumspiciens, qua videmus, magi-
ans sint Dij ceteri dubitabit, quam in Deo cunctabitur, quem
esse omnes naturaliter scimus, siue cùm exclamamus, O De-
us, siue cùm illum testem Deum constitutumus improborum;
quasi nos cernat, faciem subleuamus ad cœlum. Et lib. 3. con-
tra Gentes dicit, multos Græcos & Latinos Gentilium con-
futasse Deorum multititudinem, & in iis Ciceronem, in libro
de natura Deorum, tam efficaciter demonstrâsse, non posse
esse plures Deos, ut non defuerint, qui putarent, ex Senatu-
consulto eos libros aboleri debere. LACTANTIVS lib. 1. cap. 14.
neminem esse dicit, qui si rationem consulat, non vnum De-
um esse intelligat: & probat toto libro ex Platone, aliisque
Philosophis. Similia vide apud Clementem in exhortatione
ad Gentes. Eusebium lib. II. præparat. cap. 9. & Theodoreu-
lib. 2. de curan. 2. Græcorum affect.

Deniq; PAVLVS OROSIVS lib. 6. hist. ca. 1. dicit, communem
sententiam sapientium esse, vnum esse solum & verum De-
um, ceteros autē, qui dicuntur Dij, nihil esse, nisi viros illius
seruos & ministros. Quod idem ferè scripsit PRUDENTIVS in
anno 260:

Consule barbati deliramenta Platonis,
Consule & Hrcosos Cynicos, quos somniat, & quos
Texte Aristoteles torta Vertigine neruos;
Hos omnes, quamvis ancepit labyrinthus & error

Cit.

Circumflexus agat, quoniam uis promittere ē ipse
 Gallinam soleant aut gallum, clinicus & se
 Dignetur praestare Deus morientibus aquum,
 Cum ventum tamen ad normam rationis ē artus,
 Turbidulos sensus, ē litigiosa fragosis
 Argumenta modis concludunt numen in ēnum.

TERTIO probatur rationibus. PRIMA ratio, Deus est sum-
 mū ens, ut patet Exo. 3. *Ego sum qui sum.* Igitur Deus est sum-
 mē vnum. Nam vnum est passio entis, & proinde quō aliquid
 est magis ens, est etiam magis vnum. Item, quō aliquid per-
 fectius haber esse, eō longius abest, à non esse, & proinde à
 diuisione, quae est via ad non esse: ergo Deus est vnum nō spe-
 cie, sed numero. Nam h̄c est maxima vnitas, quae non est
 ulterius diuisibilis.

SECUNDA, Deus est suū esse, ut patet tum ex eodem tex-
 tu Exod. 3. *Ego sum qui sum.* tum etiam quia Deus omnium
 consensu caret omni compositione. ergo in Deo idem est es-
 se & essentia. ergo Dei natura non est multiplicabilis, & di-
 uisibilis in plura individua: nam esse proprium vnius, non
 potest vlo modo diuidi, vt conueniat pluribus, sed esse hu-
 ius Dei, est ipsa essentia Dei, ergo nec essentia Dei est vlo
 modo diuisibilis in plures.

DICES, Argumento hoc tantū probari, non posse essen-
 tiā huius Dei multiplicari, non autem essentiā Dei in
 communi. RESPONDEO, probari etiam de essentia Dei in
 communi. Pro quo nota, esse, sicut existentiā non esse aliquid
 abstrahibile ab inferioribus, vt est natura, nec esse aliquid
 contrahibile per differentias, aut contrahens instar differē-
 tia: sed esse ipsam actualitatem omnium quae sunt in re. Ex
 quo fit, vt in creaturis, in quibus nō est idem omnino esse &
 essentia, possit multiplicari vnu sine altero: potest enim ab-
 strahi à singularibus natura communis, remanente vnicui-
 que singulari sua existentia. At in Deo, vbi est omnino idem
 esse & essentia, sicut est proprium huius Dei esse hūc Deum,
 ita est proprium, esse Deum, nec potest abstrahi natura com-
 munis.

TERTIA, Deus est altissimus, ut Scripturę passim docent,
 Psalm. 82. *Tu solus altissimus.* Ecclesiast. 1. *Vnus est altissimus.*
 Ergo vnu tantū. nam si plures essent, vel essent æquè alti,

&

& sic nullus qui suprà omnes; vel vnuis altior ceteris, & sic ille solus esset vnuis Deus verus.

QVARTA. Deus est vltimus finis omnium rerum, Proverb. 16. *Vniuersa propter semet ipsum fecit altissimus.* Et Apocal. *Ego sum & & o, principium & finis.* Vnus igitur tantum est Deus. Nam si plures essent Dij, vel referentur omnes ad vnum, & ille tantum esset verus Deus; vel non, & tum nullus esset vltimus finis omnium.

QVINTA. Deus est infinitus in essentia, potentia, sapientia, &c. Ergo vnuis numero; nam infinitum omnia comprehendit. Psalm. 144. *Et magnitudinis eius non est numeri.*

SEXTA. Si plures Dij, vel sine principio sunt omnes, vnuis ab alio: Primum est impossibile, quia tunc essent multa principia prima disparata, & in varias partes mundum distractaberent, saltem, quia non necessariò conuenirent in via eademque voluntate; sed posset vnuis vnum, aliis aliud vel le. Vnde etiam Ethnici vocabant Iouem Deorum parentem. Si est vnuis ab alio, vel creatione, vel generatione. Si primum, ergo secundus est creatura: Ergo non est Deus. Atque hinc videlicet Ariani recentiores, & Trinitate non audent dicere, Filium esse creatum, cum Deum esse velut quamquam secum ipsis pugnant, cum increatum Deum faciunt, & tamen alium Deum à Deo vero esse volunt. Secundum, vel dedit totam substantiam, vel partem; si partem, ergo partibilis Deus, si totum, ergo habent eandem Deitatem numero.

SEPTIMA. Deus est Rector mundi: *Tua autē, Pater, prudētia cuncta gubernat.* Sapient. 14. At simplex Monarchia est optimum regimen, quando inueniri potest Princeps bonus, & sapiens, ut patet consensu omnium; id enim docente Christianis, Iustinus oratione parænet, ad Gentes. Cyprianus tract. 4. vbi etiam probat, Deum esse vnum, hoc argumento, quia Monarchia est optimum regimen. Athanasius oratione contra Idola. Chrysostomus homilia ultima in epistolam ad Hebreos. Gregorius lib. 4. epist. 52. ex Iudæis. Philo libro de confusione linguatum. Ex Gentilibus, Plato in Politico. Aristoteles lib. 8. de moribus, cap. 10. & 12. Metaph. Plutarchus in opusculo de formis Reipublicæ. Homerus in 2. Iliados. Isocrates in Nicocle. Herodotus lib.

bro qui dicitur Thalia. Ioannes STOBAEVS serm. 45. vbi & alios permultos adducit. Deus igitur Monarcha est, id est, unus & solus summus Princeps omnium rerum creatarum; Ac proinde unus & solus verus Deus.

Atq; ex his intelligi debent loca quædam Patrum, quæ alioqui paulò duriora esse videntur. Nam Basilus, Nyssenus, & alij interdum comparant tres diuinæ personas tribus hominibus, aut tribus Angelis. Sed nihil aliud docere volunt, quæm esse tria vera supposita, sive personas eiusdem naturæ. Porrò naturæ identitatem longe esse maiorem in tribus diuinis personis, quæm in tribus hominibus, aut in tribus Angelis, et si Patres illi non vbiq; dicant, tamen nunquam negant, & alicubi etiam dicunt, ut supra ostendimus.

C A P V T I V .

Divinitas Filij Dei assertur.

VANTVM ad Quartum, probandum est, *Filiū Dei esse verum Deum*, & proinde vnum numerō *Deum cum Patre*. Nam Patrem esse verum Deum, nemo negat, & patet ex illo Ioannis decimo septimo: *Vt cognoscant te solum Deum Verum*. Est autem hoc diligentissimè probandum; nam id negant hoc tempore tam noui Ariani, quæm noui Samosateni, & præterea omnes Iudai, & Mahumetani. Proferemus novum Classes argumentorum. *Prīmā*, ex Testamento veteri & nouo. *Secundā*, ex veteri. *Tertiā*, ex nouo. *Quartā* ex nominib; Dei. *Quintā*, ex operibus. *Sextā*, ex attributis. *Septimā*, ex Patribus. *Octauā*, ex Sybillis. *Nonā*, ex miraculis.

Prima Clāſſis ex vtrog; Testamento.

PRIMO afferemus testimonia, quæ habentur in Testamento veteri, de unico & vero Deo Israël, & in Testamento nouo exponuntur de Christo. ad quod argumentum nulla singi potest solutio, Num. 21. *Loquuntur est, inquit Moses, populus contra Domini*

d num

9. Clāſſis argūto
Filiū filiū
Divinitas